

Inatsisartut Suleriaasianni § 33, imm. 3, nr. 1 naapertorlugu Nunat Avannarliit Killiit Siunnersuisoqatigiiffianut aallartitat siulittaasuat aalajangiiffigisassatut siunnersuut manna saqqummiuppa:

Nunat Avannarliit Killiit Siunnersuisoqatigiiffiata kaammattuutit aalajangersagaanik nr. 1/2012-imik, ataani allassimatut oqaasertalimmik, Inatsisartut tapersiinissaannik Inatsisartut aalajangiiffigisassaattut siunnersuut:

Nunat Avannarliit Killiit Siunnersuisoqatigiiffiata Savalimmiuni Naalakkersuisut, Kalaallit Nunaanni Naalakkersuisut aamma Islandimi Naalakkersuisut kaammattorpaat suleqatigeeq-qullugit allaaserisaqartarneq atuakkiortarnerlu nukittorsarniarlugit nunani ataasiakkaani atuakkiortut peqatigiiffii suleqatigalugit atuakkiortunut siunissamilu atuakkiortunngorumaartussanut allassinnaanermut pikkorissarnernik peqatigiillutik aqqissuusseqqullugit.

Tunngavilersuut:

Nunat avannarliit killiit atuakkiortarneq allaaserisaqartarnerlu eqqarsaatigalugit assigiissuterpassuaqarput.

Kalaallit Nunaanni, Savalimmiunilu Islandimilu atuakkiortut tamarmik immikkut kulturitoqqanik nalitsinnilu kulturit qanoq paasineqarnissaannut tunniussaqaarsimapput sulilu tunniussuillutik. Kultoorip tamatuma nukittorsarneqarnissaa pisariaqarluinnarpoq minnerunngitsumik ukiuni makkunani nunarsuarmioqatigiinnut akuuleriartuinnarnitsinni – minnerunngitsumik inuiaqatigiinnguani uagutsit ituni.

Nunat avannarliit killiit tamarmik immikkut atuakkiortarnermini nukittoquteqarput ilisarnaateqarlutillu, peqatigitilluguli aamma oqaatigineqartariaqarluni nunat tamarmik naligiinnik periarfissaqanngimmata. Pingaaruteqarpoq peqatigiilluta peqataasinnaanissarput siunissami atuakkiortunngorumaartussat eqqarsaatigalugut taakku nukittorsassallugit aqutissiutissallugillu allannermik pikkorissarnersigut, teknikimut tunngasunik pikkorissarnersigut assigisaatigullunniit. Islandimiut qangarsuaaniillu oqaluttuarisaanerat allaaserineqarsimavoq tusaamasanillu atuakkiortoqarsimalluni tamatta isumassarsiorfigisinnaasatsinnik immaqalu aamma tusaamasariaqarnerusatsinnik. Savalimmiormiut qangarsuarli aamma tusaamasanik atuakkiortoqarsimapput annerusumik nunat avannarliit killiit avataanni taamaallaat ilisimaneqartunik nunarpullu qangaaniilli oqaluttuatoqqanik ulikkaarpoq inuusuttortaqaarlutalu allakkusuttunik kulturimillu tamatuminnga soqutiginnittunik.

Allannermik aamma/imaluunniit tamatumunnga periaatsinut tunngasunik pikkorissartitsisarnikkut qularnaareqataasinnaagaluarpuqut nunat pineqartut tamarmik peqataaffigisaannik misilittakkanik, isummanik, isumassarsiatsialannik, siunnersuutunik il.il. qaffasissumik maanna atuakkiortartunut siunissamilu atuakkiortartussanut ingerlatitseqqiinnermut taamalu aamma nutaanik isummersorneqarnermut.

12. juni 2013

UKA 2013/21

Nunani naalackersuisut taamaattumik kaammattorneqarput ullumikkornit periarfissanit qaffasinnerusumik allasserisaqartarnermik kultureqarnitsinnik atuakkiortortatsinnillu nukittorsaasinnaasunik ataatsimut suliniuteqarnernik tapersersuillutillu qularnaarinneqqullugit.

UKA2013/21

J.Nr. 01.25.01/13UKA-21